



薇省詞鈔卷第九

臨桂 況周儀

撰錄

張丙炎

十六首 江人鏡

十七首 潘觀保

四首 錢昂

許善長

四首 劉淮焞

二首 端木琛

彭鑾

一首 何維樸

三首 謝章鋌

十首

張丙炎竹山久甌館詞

丙炎江蘇儀徵人咸豐三年由舉人到闕己未成

進士改庶吉士官廣東廉州府知府候選道

王葵久甌館詞序久甌館主人少工倚聲已而棄去解組後復稍爲之刻羽引商聲情窈眇少陵所謂老去漸於詩律細也

薇九

長亭怨慢

將歸荻渚村居畱別仲海

最難得天涯相遇對酒當歌登高能賦翦燭浹宵兩年  
離思許同詠清秋佳日誰念我同尊俎絲竹寫清愁漸  
換了中年情緒 且住怎聲聲杜宇又道不如歸去昏  
茫海氣願吹盡漫空雲霧算只有淺醉曹騰藉消卻離  
愁無數好遣我雙魚頻寄驚人佳句

浣溪沙

湖上草堂初成同人約於九日集長春嶺登高落之阻雨不果會飲勺園研山作圖徵題用漁洋韻譜此二闕

山自青青水自流綠楊城郭忽驚秋今年重九在揚州

往歲皆客淮陰

籬菊纔黃佳節過滿天涼雨助新愁那堪重

問十三樓

煙水迷濛阻畫橈碧波空漾赤闌橋酒邊英氣藉花消  
月觀風亭秋瑟瑟吹臺琴室路迢迢愁心時逐去來  
潮上不曾歸日夕無歸處

琵琶仙

懷忍翁

三載重逢那堪又執手慙恩言別猶記前夕鐙前琵琶  
共淒切拋撇下盟鴦舊侶怎忘了玉人紅靨五嶺蠻煙  
三巴駭浪前事如警趁連日風送輕帆定歸向高齋  
對明月窗外早梅初放閒蕭疏黃葉重想起揚州舊夢  
憶故人把殘愁絕預訂來歲佳期杏花時節

薇九

金縷曲

過遜園減懷方退齋

室邇人何處到園林一番新綠千章嘉樹聞道冶春新  
結社湖上畫船簫鼓曾幾日修文紫府記得前年消寒  
飲對梅花燒燭聯吟句風雪裏夜將曙而今腸斷西  
州路臘枝閒黃鸝百轉落紅無數早作買山歸老計遠  
慕陶公解組只博得年餘小住舊燕不知人琴杳尙銜  
泥上下窺庭戶花濺淚默無語

水調歌頭

東友

五十九年矣鬢鬢雪霜飄神冬下澣三日攬揆是生朝  
長至一作平旬纔過冷蘂幽香浮動窗外雪初飄預約歲

寒友談讌共清宵。柱名香淪佳茗酌芳醪。浮生偷得閒暇，拚與醉陶陶。優算百年常健去，日多於來日何事。苦焦勞。笑語小紅道，低唱我吹簫。

疏影

勺園屬題湯貞愍公墨梅

峻嶒瘦骨看墨痕黯黯塵盞都絕筆意元章詞意堯章  
枝枝屈拗如鐵六朝驢背將軍老自寫向雙谿詩窟想  
水邊月影昏黃猶見久姿澄澈爲愛研池樹好寫生  
入畫裏長傲霜雪石老雲荒竹秀苔疏滿紙寒香清冽  
落梅愁聽淒涼曲怕玉笛也教吹裂薦一厄同弔湘纍  
定有杜鵑啼血

薇九

齊天樂

晚步天甯門外感賦

三

連昌宮殿存遺址蕭然冷煙秋水日麗千官雲屯七萃  
曾奉鑿輿臨蒞樓臺繡綺簇三月煙花頓增嘉麗江  
上層嵐黛眉新掃盡橫翠無端兵燹十載歎蕪城一  
片蕭索如此石臥唬蛩池荒叫蚓露檻雲窗如洗繁華  
夢裏問何日重聞竹西歌吹無限傷心斷蟬聲又起

鷓山溪

小住遜園自冬涉春乙酉元夕返里忍翁過訪不值以和白石均詞見贈賦此奉答

更無來客獨曳苔階屐繞繞徑翠琅玕細吟風亭亭仙骨  
霜髯暗長自笑似參軍春寂寞柴門波影添三尺  
竹西巖棹老友相尋覓皓月試鐙期間誰遣玉人吹笛

萍蹤無定聚散似搏沙才握手又分襟馬上空追憶

### 梅子黃時雨

漁浦鷗鄉有葦屋數間容我棲  
遞漸樹靄陰濃日長人  
困出水細荷擎小蓋穿籬翠  
竹舍新粉東風緊策杖野  
橋涼月生暈香嫩梅黃期  
近忽瀟瀟夜雨孤枕時聽  
又浙瀝連朝秧分千頃鶴  
院雲堆簾押重獸鑪香撲  
琴絲澗天長暝遣愁自傾  
梨醞

### 邁陂塘

二月六日雪後獨遊裕園感懷路門太史

怪天公無端游戲東風如此  
淒緊雪花撩亂漫空舞頓  
換春城煙景還耐冷  
攪杖敲門閑步梅邊嶺  
蕭然獨影看竹斲橋敲苔封  
逕迳檻外失明鏡  
池水已涸淒涼境  
記得當年痛飲烹泉同淪  
新茗重來不見蒼髯交長  
臥幾時能醒愁暗眉算石  
上三生嘉會應難等子懷  
悲哽在甃社波枯神居石  
爛怎追淚泉迸

### 解語花

秦郵喜晤王賓谷用其題畫梅幀子均賦

雲鴻極目風鶴驚心難得  
開顏咲春寒猶峭拏煙艇  
風送一帆飛到鬢髯  
戛好拂玉塵清揚四照  
喜昨宵手把芳尊同醉  
舒裏抱投我題梅近  
臺想冷香疏葉煙墨  
橫埽洞簫清妙  
君善琴工洞簫紅橋外一窺揚州  
已覺文游縹緲屬我  
踏青須早共登臺曠  
覽湖山對水天長嘯

如此江山 題焦山六淨開士如此江山圖

三山巔峩煙波渚滔滔大江東去北固雲飛南徐潮打  
倦仰周郎何處顛崖斲樹焦隱蝸廬沈蕤荒圃點染  
煙巒將軍妙筆自飛舞 前圖湯貞愍公繪後圖彭剛直  
公屬幕客閩中廖竹亭筠繪

司馬頻來梵宇倩賓僚仿寫貽贈禪侶海氣蒼涼江

聲嗚咽別有傷心無數網繆最苦對如畫江山此情誰

語寫入雲楡伴鶴 平銘萬古 按午丈又有辛巳秋遊金  
山詩云妙高臺畔偶來遊

楓葉蘆花助客愁如此江山夷變夏無逾光景暑成秋  
一時解脫襄坡老千古英雄想仲謀堪義老僧忘世事  
閒憑闌檻數歸舟亦此意也

高陽臺 贈夔笙舍人用徐孝竹翁均

菽九 五

洗瓊浮花移琴伉月閉門早厭時名忽在高軒頓教把  
臂歡迎天涯不是知音少怕商聲人也愁聽最傷裏舊  
日吟朋落落晨星 詞仙老去神尤健說紅橋社事追  
源承平乍合萍蹤蘭言臭味同清扁舟重泛秦淮碧惱  
離腸又冷新盟揜重門莫放春歸秉燭飛觥 山此言藉  
摸魚子 石君賦詞畱別依均和之卽以招隱

買三椽編籬插榿幽棲規格粗就鑿池寬闊盈三畝雨  
過天泉能受求耐久種翠竹干竿揜映疏梅瘦家筍自  
有招鷺侶漚盟夏溼刻燭誰試八叉手 治生計無過  
餘三耕九歲時菹芋炊豆鵝盤風陣鳩啼雨漸識農家

占候垂白首憂傀偶登場又向風塵走茱萸渡口待騎  
鶴歸來訪鄰尋里絮語共尊酒

前調

石君臨行又賦此調步均郵寄

駐行旌凌晨相訪新詞夜枕填就主人高臥餘醒困戶  
小巨觥難受循誦久想一縷吟情搖漾茶煙瘦君家自  
有有姑射僊才周美成令溧水於後 贛洲漁篴成此斷  
輪手湖天望雲膠胸吞八九遙山螺翠如豆收帆又  
聽聯牀雨恰好嫩涼時候瞻馬首憂北渡黃河西向長  
平走碑傳眾口喜熊軾重來使君還我環跪獻羔酒

江人鏡容方雙橋小築詞

薇九

六

人鏡安徽婺源人咸豐三年由舉人考取到闈現  
官兩淮鹽運使

題詞方濬益曰緣情造端務極要眇感時述事寄  
託遙深寧正則之芳馨寓香山之諷諭宋音辨律  
尤見精嚴是應於聖與叔夏兩家壁壘開別踞高  
座

清平樂

過嶺至介休縣

蒼煙萬縷看似條山樹野老縛竿驅杜宇怕勸使君歸  
去踈鳥條向西沈銀蟾高出城陰三十六回圓缺照  
人還是初心

畫堂春半

畫堂春半悵梅花眞箇辭人歸去無計遮畱空餞送送

過銷魂南浦，欲翠池塘，堆紅院落。淚眼看如故，何堪清  
夜聽來環佩偏誤。風趣本儂仙，眞微因疏，做先被封  
姨如舊。怨新愁都未問，遺下胎禽，能訴萬里羅浮水滢。  
山繞那段雲橫處，笛聲吹到定教樓上重晤。

鷓鴣天

送友人南歸

夢醒東堂雪霽初，勸餐羞說食無魚。新年酬應饒辛苦，  
舊友交情半子虛。吾老矣，盍歸與屋前果否樹扶疏。  
曩遊韓魏勞鞍馬，媿未騎牛順跨驢。

卜算子慢

趙北口

征颿照影回雁印，痕綠到鏡邊如拭。柳弄新條，又與岸

薇九

七

蕪爭碧，向燕南趙北，爲遊客記里數。纔踰淀口，翠樓添  
箇人憶。早晚寒猶劇，願殘酒頻浮筍裘重，覓靜揜疏  
篷漫對半汀月色，縱無書心裏誰拋得。趁此際攜歸最  
好念溪山遙隔。

漁家傲

勞勞

澹澹風來斜展翅，菰塘悄下銜魚起。舊序新班渾似戲，  
尋樂地，青天欲上非吾事。飲啄任時無畏避，堪嗤衆  
鶴猶多累。霜髮飄蕭知老至，明照水何妨隻立。蒼煙裏

六州歌頭

將赴長安，留別同志，做韓无咎體。

江郎老矣，愁見柳絲絲。扶乍起，眠猶是，瘦腰支。問何時



日映闌干角鉤繡幄靈鷲覺花迸落癡兒捉燕驚飛陌  
上風柔拂草沾芳氣翅重來遲願雕楣同夢也不管分  
離翠斂蛾眉怨由伊去年此日逢寒食慵梳櫛對袖  
姿真會意忘迴避擁瓊卮被桃知浪跡仍崔護看人面  
奈今非春過半光陰換怕空枝南浦煙波幻甚銷魂地  
溼透征衣怎禁他恨別有賦且題詩慢告行期

菩薩蠻

張桓侯唐

河橋斷折茫無路賣魚破艇來充渡衰柳背西風高撐  
三兩松川迴山又互涿郡完如故無命痛英雄夕陽  
孤廟鐘

被九

八

玉京秋

趙屯聞雁 此為草窗自度曲近有選本

謂第一段晚蟬淒切下落畫角吹寒一句  
第二段翠扇疏句疏上落一思字論章法  
加一句一字似要整齊而歌喚則音聲粘  
溼不若詞律所載原詞之較為輕圓也世  
人誇多好奇姑從其說賦此草窗有靈當  
不嗔我

湖月隱飛飛翅何倦九秋將盡徧是西風候蟲練響驚  
鳥辭陣如此淒涼夜坐念離羣珠淚雙搵誰消損漢南  
凝望翠樓紅粉一夢到多時無準暗窗前寒聲更緊墜  
露兼霜叢蘆搖絮單棲難穩後顧茫茫弟一怕人在天  
涯同恨昨來信差喜長安路近

相見歡

茉莉花

朝朝暮暮都宜襯青絲妙在一生清白美人知 菊英  
泛蘭芽蘸沁心脾又到一甌春茗啜風時

賀新郎

送穎生還皖江

不見翻無苦到江城梅花吹落又聞將去爲甚踈身忙  
于我撇卻磯頭鷗鷺漫倚託垂楊千縷只有東風能勝  
酒做淒淒慘慘瀟瀟雨商定未合畱住 仲謀公瑾皆  
塵土論英雄功名成敗本無憑據才子文章畫師筆不  
假蒼蒼分付君若向黃州問路問著南遷東坡老便煩  
君道我今非故回雁好繫蘇句

山花子

薇九

九

桂子飄殘露欲霜東籬來就菊花黃開早開遲誰是主  
判炎涼 兩角整齊菱有刺二螯肥滿蟹無腸都道尊  
前風味好且商量

更漏子

風露涼簾幙靜月映玉鉤鉤影人兩地夜三更幾回攬  
手行 更急促蟲斷續行過小屏山曲同夢好不同心  
夢醒何處尋

菩薩蠻

蘭房漏轉愁無寐清晨涼欲輕棉試籬豆子盈盈餘蛩  
三兩聲 風欺潘鬢老露泣西園草人自不還鄉一雙

蝴蝶黃

南鄉子

新築大隄成映水亭臺半柳營  
報道重陽佳節近風平  
只恨絲絲雨滿城  
半棊酒罷輸贏人老如秋氣  
自清臨  
臥邊支高枕聽江聲  
如此波濤不易行

菩薩蠻

過秦淮

夾隄桃柳高低樹當年曾踏長干路  
人喚木蘭棹樓前  
紅裏招亭臺何處覓  
幻作金張宅明月過牆來  
邀誰共酒杯  
鳳皇臺上憶吹簫  
法來無處尋  
幸午

菘九

十

絕好山川與去聲人家國惹來無數憂  
愁幸子桓恹恹枉駕龍舟  
司馬家兒最劣空灑淚  
棄卻中州天生是難勝  
平霸王去聲只擅風流  
悠悠向東去也千百里  
長江不向西頭挈六朝蹤跡  
都作去聲浮漚惟有桃根  
桃葉人喚渡名字仍畱  
仍畱與江邊荻蘆助爾悲秋

好事近

小住傍園亭雨後半窗雲積  
眠柳莫輕扶起正新承恩  
澤春來惟嬾最難醫  
醫嬾用何策酣飲酒霞橫臉  
壓桃花顏色

潘觀保辛芝鵲泉山館詞

觀保遵祁子江蘇吳縣人原籍歙縣咸豐八年由  
優貢生到闈是年中式舉人

朱以增鵲泉山館詞序辛芝同年弱冠負文名潛  
心經史著有十三經異文攷義阮年彙編待梓餘  
事工倚聲鵲泉館詞鏡辭鍛意抽秘騁妍深入溫  
李姜張之室而能得意內言外之旨後半卷情辭  
悽惻伊鬱善感則當却火蒼黃之後釵分玉折情  
隨事遷宜乎百端交集黯然魂銷也

菩薩蠻 和飛卿

桃花涼沁游仙枕蘭若翠織湘紋錦別恨澹於煙綠波  
三月天 遠山詹黛淺輕燕東風翦無那落花紅倚闌  
愁曉風

清平樂 和叔夏

薇九

十一

鏤枝鏘葉怕與東風別蜂蝶無心誰共說負了春江花  
月 等閒愁損肩山那堪重奏陽關不分廣陵一曲而  
今尙在人間

淒涼犯

苾月初上涼風送秋撫世事之飄蕩歎歲  
華之搖落小步林薄露蛩暗嗚僕本恨人  
伊鬱善感因度仙呂犯商調一解白石所  
謂以啞齋栗吹之其均極嫩者卽此腔也

白沙巷陌蛩聲緊西風一片愁絕錦屏夢冷鄉關路杳  
但添淒切蕭枝敗葉更衰草頽垣幾摺正昏黃微雲弄  
夕眼底二分月 多少傷心事似此飄蕩那堪重說舊  
時素影一 上聲 番番爲誰圓缺記取家山已偷換荒煙澹  
抹況堪聽隔浦雁語響啞咽 案白石笏譜此係仙呂調  
起結皆注么么合也少五

也仙呂調清聲用五字住商聲七調惟太簇商亦用五  
字住白石元詞於索字始注多則陌字非均矣萬氏詞  
律注韻非曲字注叶尤非且通首用覺藥均何得以質  
陌屋沃屏入乎

望梅

浪迹海天岑寂無侶小步籬落忽覩橫枝因  
成仙呂宮一解依碧山體均月明林下未免  
紅萼笑人也

故園今日早橫枝照水幾分春色想壽陽宮裏新妝自  
酒醒江城夏無消息悄立蒼苔恍乍遇仙人姑射悵媿  
紅數點月下暗香有誰憐惜羅浮夢痕記得只飛來  
翠羽如舊相識等恁時重覓幽香對疏影黃昏小窗橫  
篔簹雪裁冰總不似春風詞筆最相思夜寒守鶴畫闌  
左側

薇九

錢 勗揆初

勗江蘇無錫人咸豐八年由舉人到閣

虞美人

見詞綜補

鶯魂蝶夢淒迷甚瘦到梨雲影一番風雨一番晴賸有  
蘼蕪綠徧短長亭惜花愛倚花陰立花落人知惜惜  
無人惜惜花人依舊空閣寂寞度芳春

許善長季仁碧聲吟館倡訓錄詩餘

善長浙江仁和人原籍德清咸豐八年由優貢生

到閣後官江西知府

案季仁前輩爲周生先生文孫詩餘合作不愧家  
學所著談塵四卷多載薇垣掌故合倡訓錄及瘞

雲巖風雲會茯苓仙臙脂獄神仙引靈烟石院木  
六種爲碧聲吟館叢稿

援春慢 冬夜寄襄松岩

凍雀假林寒鴉縮樹淒風吹偏窗牖慢拚龍綃鱸添獸  
炭還記同傾綠酒纔聚無多日又贏得天涯分手況從  
南國相思願君親采紅豆猶憶花之送別搖一縷暝  
煙鞭揚疏柳廢埃沙博敗汀潮落此去盡情消受無賴  
青燈迴共照我羈人憊憊暗計歸程梅花盡落時候

人前長亭怨慢

明姚簡叔畫白太傅潯陽送別卷爲李  
菽淵太守題和張玉珊均

望平楚天垂無岸一棹西風碧雲催晚客思離情者時  
幽緒倍盡亂塞鴻嘹唳偏進入江聲遠恁處起商音儘  
較量愁腸淺淺悽斷正楓寒荻冷忍把四絃頻按絃  
絃拚却早揉碎萬千哀怨況幾載落魄天涯優悲絕何  
人能管看妙筆摹來清淚生綃猶滿

齊臺城路

鄭曉滄屬題重到金陵圖

六朝金粉飄蕩又扁舟秣陵重到水咽空江旗懸落日  
列幕尙屯荒堡垂楊瘦了看樓老昏鴉白門秋早縱不  
關心此時淒景恁裏抱誰隨園亭榭在否劫灰飛徧後  
誰更憑弔巷冷身衣橋斂白板付與清猿曉嘯愁腸漫  
繞喜無恙鍾山黛眉勻掃結社聯吟蕩花深處好

望湘人

和芍卿寄慰元均

看桐梢倚暖銀燭揜漿滿堂淒影搖白老去幾年病餘  
弱質怎忍無端睽隔不盡艱難偶然疴瘵憑誰重說縱  
九泉相見非遙究竟知他何日幽室癡情徧覓耐愁  
眉笑臉霎時漸減恨衾枕鴛鴦尙是未分雙隻遺容慘  
靚迴殊疇昔旦晚爐香空蕤儘滴露日寫金經泪點和  
來成血

益劉淮焞星峯康瓠詞

同處淮焞直隸鹽山人同治二年由舉人到闈

寄錦金縷曲姑蘇返櫂道過丹陽微雨驟來呂村晚泊挑燈不寐遂譜新詞時重九日也

秋氣涼如許更那堪宵深篷背數聲秋雨倚枕欲眠還

薇九

齒

坐起怎耐者般淒楚正兩岸亂蟲低諺切切淒淒聽不  
得說空山一夜離魂苦聲滴滴何曾住故鄉凝望知  
何處數不盡亭長埃短萬重雲樹多謝一燈常伴我挑  
盡銀花不語况佳節重陽又誤徧插茱萸思往事料天  
涯定把歸期數含豪寫相思句

同治乙丑丙寅開慕慈鶴前輩約作燕臺

社一時會者甚眾光緒辛卯重到京師已

二十餘年矣慈鶴既歸道山同人中若王

子實周菊船董鳳樵王小鐵陳鶴溪諸君

亦俱赴玉樓橋寓園通視適與望雲樓相  
望昔子實所居文酒流連之地愴然有感  
情見乎辭

極樂嬉春慈仁銷夏同游舊結歡緣畫省朝回拈豪分

占雲箋唾壺擊碎高歌起譜新詞亂撥鵬絃好畱連露  
帶風襟酒地花天斑駁猶識銅街路訝人琴俱盡蕙  
帳空煙咫尺黃爐無人肯著吟鞭不平各有填胸事怪  
清才難到華顛悄無言斲絮蕊葩有恨絲絲

端木采子疇碧澹詞

採江蘇江甯人同治三年由優貢生特用到閣

官典籍

碧澹詞自敘古人明於音律故所爲不稍苟亦有  
自製曲調者今人既不知樂當師古人意而慎守  
之未可求自便陽奉而陰違也

暗香

春浚之後新綠驟長野陸籬落閒作種種香  
氣非草非華歷夏徂秋芬馥未已用暗香調

寫之

徵九

十五

翠陰如沐趁檜籬數轉芳陸環曲種種妙香不辨蘅蕪  
與熏陸清味才通鼻觀渾沁入諸天香國又恰似遠水  
浚山蘭意澹空谷芬郁仿翠麓恰豔埽晚華粉膩新  
竹露溥雲綠襟衷過時染清馥還勝春風絢爛偏媚此  
閒中幽獨待采采歸去也不盈一掬

疏影

夏夜夜深坐涼月滿階林影在地用疏影調寫  
之

中庭地白愛翠陰悄悄如伴淒宋靜裏相看豔有松香  
天風吹墮瑤席清暉荏苒將人近鎮寫出秋心無迹咲  
畫堂酒綠燈紅孤負天街涼色還記絺衣挂處半林



白露下光浸蘿薜俯拾何緣仰睇凌虛纖雲沆盡空碧  
無端隱約翻鴉點又落葉漸添蕭槭定有人起賦秋聲  
響會暗葦苔隙

秋宵吟

本意

雨初收日向晚漸喜浮雲都捲垂楊外看一碧澄澄莫  
天青遠露將濃月未滿靜裏新葦吟緩簾痕漾正爽逐  
風生嫩涼秋淺乍近書燈趁此夕芸編自展破除塵  
慮漑洗閑愁至樂在墳典薇露香新浣一室蕭然千古  
到眼澹無言領取清芬忘却更襟過四轉

洞仙歌

和瑟軒水仙

被九

六

湘皋翠冷正靈妃歸去遺下金釵照芳渚把仙根恰又  
多謝華神親種出一種珠明玉嫋盈盈溁浦外羅襪  
凌波堪與棗華共寒素生性厭絲華白石清泉剛畱得  
僊人同住更問取春風幾時來但冷月荒煙悄然無語  
浣溪紗

雨後卽景待幼霞不至

絲對陰濃鑱翠煙小庭清潤雨餘天繞階初息溜涓涓  
有約不來人欲倦喜晴相噪誰爭喧趁涼移坐小窗

前

催雪

寒雲

斜日韶光疏對澹影天水低迷若一早倦鳥歸飛亂鴉

盤急應爲天公玉戲展步障先收姓空碧野亭小址峭  
風如削莫寒增劇蕭瑟萬籟宗祇遙空似暝冷光凝  
白料今夜素娥歛將銀魄贏得空明映照皎玉對倩添  
棹華色待釀作匝字祥雲不負萬家祈澤

慶清朝

丁亥展重三日同雀巢幼霞龍對寺補襖  
歸飲酒樓同拈此解

歸飲酒樓同拈此解

淺草鋪茵平波漾麴翠痕新上簾衣虛窗靜俯娛人多  
少清暉恰正候過百六雅游須莫負芳菲披襟對嫩紅  
穉綠一片生機休道永和禊事便舞雩風浴人對清  
沂高情未讓素心如此應希餐盡野香秀色吟魂拌與  
蝶俱飛斜陽去更須畱待明月同歸

掖九

七

慶春宮

仲春望日同人公拜  
夜詣齋宿月明如畫敬賦一解

岳忠武王廟十四

徵碧銷雲空青耀采一輪高揭重霄清入虛襟明如素  
抱皎然塵念都消靜聆更漏漸攙入高風封梢閒庭深  
竚如水清暉相對終宵當年報國焦勞臣節光明天  
日同昭簾外秋光雲邊夜色也曾看月無繆繞階行處  
聽秋蟀瑤琴倦調千秋如見今月曾經照影征袍

霓裳中序第一

丁亥九月借瑟軒聽江亭秋向盡  
矣蒼葭黃葉閒邸張皆照照欽稜  
身勞心閒而人望而樂之各填此  
解一闕

城南近章曲路入蒹葭青斷續休藉雅琴怨筑天籟送  
聲何須絲竹姓臬潤綠看野人家在槩軸斜陽外一蹊

亂葉宛轉到溪谷日芬馥半籬黃菊任野雀閒雲往復

溪邊來去路熟十晦閒桑五斗收粟素心來共宿有快

意新詩互讀清尊對溪堂松下夜氣皎寒玉舊集

詞譜齊天樂憶松

小庭深院無塵蔭堂前四松交蔭黛影拏雲青陰漏月

滿地霜華寒浸濤聲到枕聽子落空階幽人未寢賢主

多情叩門相就要呼飲傷心當日勝友到重來散盡

清淚交衽任是虬姿依然無恙廡下梁春難賃西州路

稔便灑泣羊曇也成衰甚待問山童那堪門巷菜已酉

秋杪遜居陸靜軒年丈退圃小屋三楹庭列四松清風寒月

幽靜特甚丈及兩生同年並二三同人每乘夜月相過

薇九

六

時酒淪茗極一時之樂踰年遽歸畱帶南中不至者五  
稔丙辰再入丈喬梓俱下世酒人星散別業已屬它人  
四松舊地遂無從過問矣庚戌國恤沈文忠公移居圃  
中相與比屋爲題四松堂額前年兩生嗣子健卿農部  
移居時猶及見之

前調

見棗

舊居重過添悽惋斜陽半天將暮直幹捎雲寒柯壓屋

爲指幽人居處秋光院宇記朱實離離飽餐朝露幾載

睽離扶疏還幸要如故當年食貧奉母憶安巢穩託

賢主歡聚翠釜蒸來瓊糜和入曾喜慈顏下箸星霜易

序正風木銜哀又傷瓊樹故地重經不堪盡淚語槐街

子禾總憲餘屋也自壬戌回京文端師畱居此屋十年  
壬申奉諱南歸始別去庭有棗初僅細幹蒙茸荆榛閒

友人傳用霖已操斧欲伐僕護而存之喻年騰上遽成  
小封直幹挺然獨出檐際文端師戲謂似主人孤直不  
倚愧其言不敢答也

前調

子石兄爲畫扇以山中老僧見擬殊不敢當  
歸來填此用致愧詞

危峯棧巖藏幽洞蒼雲壓來當頂枯樹龍拏懸厓虎落  
終古曾無人徑山空畫靜祇澗路巉巖石泉聲冷草蔓  
苔荒一龕寥宋萬緣屏 枯禪於此坐老儘華香葉落

年歲安眉身外都忘塵中也適了了菩提初證真如自  
領看月到天心一般清淨願我何人敢蚤無上等

前調

秋向盡矣苦雨釀寒客窗枯坐百感交集漫  
成一闕

冷雲低冪簾櫳影秋陰釀來何驟昨尙爽晴細不成絲輕如

被九

九

散麴作弄霜威儼僊罪罪住否正落葉聲中暗葢暗後  
夢醒空齋峭寒清逼璫窗透 侵尋時序逝水記良宵  
返客剛翦春韭翠減宮槐華開野菊又是授衣時候相  
如病久對枯樹黃疏夜燈青瘦羨到栖雅卜居渾未有  
時急覓移宿 題極平常搨管爲之愈覺君衡舊作句  
句題魂浚得不粘不脫之妙我則非粘卽脫也

朱鑑成眉君題鳳館詞

鑑成四川興文人同治四年由舉人到閣

薄倖

次幼辨韻

無人得見碧雲合秋心一綫說不盡九秋情事咽住柔  
腸千轉漸亭皋幾度清霜芙蓉隱約佳人面甚錦幟凌

波銀箏勸酒且把紅闌倚徧 到夜深和愁坐越白覺  
淒涼無限聽玉階一帶寒蟬語苦多情也似知哀怨卿  
休我春但解吟愁賦便應幽咽無人管燈花何事偏作  
櫻桃紅綻

滿庭芳

有感贈尊盒

細語銷魂高聲命酒君家浪迹何爲楚江華嶽誰勸不  
如歸請看干戈滿地八年事細數全非家山破吾曹羸  
老悵悵欲何之 我經滄海後蛟龍鶯燕醒睡依稀又  
爐煙裊裊花影離離且把鬢鬢對捫天涯夢都付新詩  
噴霜竹孫郎帳下同唱比紅兒

薇丸

三

浣溪沙

四闋錄二

香是蘭芽澹水仙不容人愛自家憐酒酣隨意枕花眠  
數到華年瓜乍破再來明月果能圓問君征信幾時

還

綺歲姑蘇玉映郎緋雲一朵小名香可憐容易擲韶光  
廿載風花重過眼三生眷屬九迴腸衣新人故費商

量

洞仙歌

默坐用辛稼軒均

春陰欲暝望離亭前路便是人人斷腸處漸梨花瘦了  
燕子偏來禁不得細細一簾煙雨 前塵眞夢裏醉倒

芙蓉心許瀟湘挂帆去畫燭燼水仙沈悶悶懨懨喜與  
恨憑誰分取縱待到天涯有時還又生怕東君不畱春  
住

漢宮春

第一西風引酒人仙去新解金龜紅窗夜夜臥雨佩褱  
衫垂是誰撼筵助秋聲蕭瑟些兒珍重甚天涯伴侶秋  
花當是開時疏影一枝如畫怎捲簾人瘦不覺風吹  
傾盃半宵薄醉可要新詞無言淺笑惱人懷知是儂誰  
君莫問驪譔動矣斷腸更莫教知

彭 鑾瑟軒朱弦詞

薇九

鑾江西甯都人同治五年由拔貢生到闈

慶清朝

丁亥展重三日疇丈崔公半唐龍封寺補  
襖各拈此解索余繼聲

紅雨迷華翠煙熏草莫春春服初成危樓共倚游情駐  
思俱清我飽輒紅十斛舊衫根觸酒痕青東華路慣耽  
魚鱗輕負鷗盟 又是湔裙時候望家山迢遞倦旅魂  
驚勞歌自惜聊爾高調閑賡敲枕喚回殘夢酒兵無力  
下愁城消愁去闌干高處甚日同凭

薇省同聲集序 增錄

鑾守邕州之明年政暇聞事吟弄顧窮山密箐無

可是正京華文讎思之黯然幸舊日吟侶端木子  
疇前輩許鶴巢比部王佑遐閣讀閒有書來每貽  
近作兼多見憶之什所以慰離羣聯舊歡意至渥  
也回憶戊子入粵湘上敗舟諸君投贈之珍喪失

始盡對此倍加珍惜暇日整比都爲一編益以臨  
桂況夔笙舍人所爲命曰蔽省同聲集況到官在  
鑾轉外後佑選以同里後進寄其詞相矜詫鑾與  
彼都人士遊亦時聞況舍人名因並甄錄以志嚮  
往省中文雅知名士不翅四君卽四君之所成就  
及所期許亦不翅此選聲訂均之末技獨念掖垣  
載筆垂二十年與諸君子眠草看花無三日不聚  
暇則命駕互相過酒壚僧寺載酒分題其樂何極  
丁亥秋相約盡和白不自製曲疇丈一夕得五六  
稍佑退性懶詞不時成罰以樂卽在其中當時妄  
稽每亂鶻政同人無如何而樂卽在其中當時妄  
擬此樂可長乃自鑾出後疇文近以老疾決退鶴  
巢轉秋部佑選行擢臺垣一類叩問雲集者星散  
曩時蹤迹幾不可復識正不獨鑾之束縛馳驟於  
蠻煙瘴雨中望長安如在天上也然則此選聲訂  
均之微其有關於吾曹之離合聚散不綦重哉錄  
成到京師付之刷氏略誌其緣起如此若諸君所  
詣闕者當自得之無煩覩縷云光緒十六年閏二  
月識於邕州郡齋

蔽九

何維樸詩孫

維樸湖南道州人同治九年由副貢生到閣

南浦 南泊觀荷用玉田均幼選

涼動雨餘天不多時又是一番秋曉鴻爪認前蹤蒼苔  
上惟有斜陽鷓鴣埽半篙煙水十年也換滄桑小說到家  
山君似我負卻池塘春草 何如倒盡金尊看窗前樹  
色雲光了了明鏡照紅妝瑤臺路儻許世間人到幽寰  
浩渺醉歌驚起鴛鴦俏翻羨溪童搖艇去消受月明多  
少

前調 立秋次日又觀荷南泊

晨旭暈簾旌快初晴一咲剛逢吟侶清絕蕩絲鄉頻番  
到才覺秋光如許風環水佩盈盈欲託微波語道是嬌  
陽禁不慣況又悄風吹雨 憐花翻被花憐甚年年長  
作天涯倦旅明鏡點秋霜青衫恨一樣飄零似汝泛商  
刻羽嘔心欲把霓裳譜卻有垂楊能咲我那尋當年情  
緒

聲聲慢

用碧山均

憑茶破睡仗酒澆閑天涯亦有吾廬落葉秋江綠何雁  
少魚疏旺風旺雨不寐似小舟泊入菰蒲儻眞箇在碧  
湘城畔此樂何如 滴斲閨聲萬點快捲簾作畫把燭  
尋書澹月窺人輕輕離卻蓬壺狂來浩歌起舞問浚宵  
要有誰歎甚惆悵料家山秋到也無

被九

五

謝章鋌枚如酒邊詞

章鋌福建長樂人同治十年由舉人到闕

酒邊詞自序余嘗登峻嶺臨谿而坐亂松怒號幽  
蟲自咽奔泉向東作虎嘯村歌數聲起於隔岸風  
徐徐送入余耳余恍然若有感觸歸而填詞所得  
漸多或曰其中有天籟焉或曰嘔啞啁啾難爲聽  
也

長亭怨

登金山塔院

算三度鷗邊拚酒一月垂天萬山窺牖看劔哀歌當年  
此際同吾友而今往矣空折得離亭柳柳已綠成陰欲



齊上江樓能否。回首那馮夷起舞。晚雙眸如斗。腥  
臊海氣莫染。卻蓬萊八九。問誰是占住。鼇頭眞孤負。屠  
龍妙手。何日快澄清。爛醉騎鯨西走。

夏漏子

雨疏疏。風索索。一片傷心樓閣人。影隻燭花單。羅衣徹  
夜寒。斷蟲吟孤雁。語添出許多酸。楚雲黯澹。樹模黏  
家山認得無。

浣谿紗

庭際老少年數本鮮紅可愛

恰似微霜醉曉楓。最宜種汝短籬東。不花偏作可憐紅。  
秋氣一庭方瑟瑟。離情滿眼正怱怱。一叢冷露一叢

薇九

風

綠意

新竹

籬根雨足看涼痕。低亞蒼翠如玉幾葉蕭疏。扶上輕陰  
僂占修闌一曲。佳人生小眞憐汝。問誰憶天寒空谷。莫  
瘦魂。夢到瀟湘一樣春衫搖綠。知否幽居寂寞多情  
寫幾字。食可無肉。一醉春風早解虛心。卻喜此君非俗  
平安從此殷勤報。好畱與鳳皇棲宿。盼甚時纔得凌雲  
青入故人雙目。

水龍吟

孤雁

一天離恨沈沈。當時侶伴飄然去。斷腸字少。回頭影澹。

冷清清處落葉千層殘雲幾點瀟湘日暮且消停者扁  
無多毛骨休重被西風妒聞道玉門難度莽烽煙幾  
回團聚雙棲未穩孤飛已慣前程休誤醉裏停琴愁盪  
滅燭都無情緒好銜蘆自愛從今莫再過銷魂路

換巢鸞鳳

焚香

良夜茗茗正熏篝斜倚睡鳴頻燒甜回蝴蝶夢暝到海  
棠嬌相思一縷出簾腰有欸欸輕魂隨汝飄氤氳裏看  
宛轉兩心相照月小人悄悄花外煙青低訴未曾了  
小字蘭芝芳齡荳蔻情緒旂檀都曉了屬隨風向即邊  
綠毛么鳳收偏巧鬱金堂記偷窺韓椽年少

薇九

三

金縷曲

月夜江樓聽琵琶

又到銷魂夜低頭向西弦聲裏對花悲恔猶記瀟湘樓  
上坐十六秋娘未嫁攏雙衷閒愁盈把萬籟沈沈天似  
水屈銀河倒捲珠簾瀉幽蘭笑明蟾下當時苟有狂  
司馬將一領青衫溼盡哀歌重寫那曉美人黃土後伊  
亦黃壚去也算卿等誰饒聲價莫再喁喁兒女語看燕  
泥污徧香羅帕我已傷心者  
殷勤勸酒聞歌夜問誰是彈箏者三十年前紅雨榭一  
花獨笑一蛩獨叫江水冷冷瀉十三弦外春燈罽莫

青玉案

詞等

殷勤勸酒聞歌夜問誰是彈箏者三十年前紅雨榭一  
花獨笑一蛩獨叫江水冷冷瀉十三弦外春燈罽莫

回首當時話宋嫂飄蕭吳妹嫁病鶯無語飛鴻遠去寂  
寂斜陽下

百字令

荔支林訪三友墓王應山閩都記三友墓  
在荔支林白碧山宏治中有徐吳林三人  
友善死而合葬子孫祭掃不絕按乃興公  
之祖荔支林與桑溪近

青山安穩贖一抔黃土交情與鐵地下人閒俱鼎足生  
死不曾離別家自兒孫鬼仍兄弟異姓偏同穴當時膠  
漆墓門翁仲能說 使我百感蒼茫非無三友死者長  
拋撇劉向張衡遺蛻在兩點秋墳明滅一面無從十年  
不祭吞盡相思血荒郊灑淚桑溪助我嗚咽

楊州慢

姜石帚小像

掖九

美

疏影暗香小紅低唱詞仙汝儻歸來看匆匆行點拍遺譜  
費安排空回首太常雅樂竹西簫鼓孤負清才更廢池  
喬木中年懷抱堪哀 玉山照處鬲指聲仿佛難錯算  
五百年餘金風亭長流派重開蟋蟀西窗人去長亭樹  
黯黯塵埃問梅溪竹屋後來知是誰哉

薇省詞鈔卷第十

臨桂 況周儀 夔笙 撰錄

許玉琢 十首 呂鳳岐 一首 王仁堪 一首 傅潛 五首

楊晨 一首 王鵬運 十一首 李錫彤 一首 張雲驥 九首

葉大莊 二首 曹鍾英 四首 汪行恭 一首 潘鴻 五首

封祝唐 一首 沈桐 二首 文廷式 七首 史悠咸 二首

許玉琢鶴巢獨弦詞

玉琢原名廣颺江蘇吳縣人同治十年由舉人到

閣官至刑部郎中

彭鑾曰疇丈肆力古文辭餘事倚聲奇氣自不可  
揜亦有工綴繇密神明規矩之作獨弦詞同工異

薇十

曲阜然名家足當厚護秀三字

河傳

殘醉無寐憶湘蘅花霧冥冥畫屏隔牆數聲新囀鶯分

明勸儂花裏行 舊巷彎環門未掩春酒漱咲比茶還

藏曲三終歸窻慵惺恹滿窗朝旭紅

鬪嬋娟 幼霞同年寓齋老柳一本作圖招同人題  
詠今秋移寓出此索題張王孫所謂故園

荒沒權事去心也因填是解

冷官門小幽深處婆婆生意多少細腰不舞鎮垂垂與

篆煙同裊便勝似長廊曲沼漁洋詞筆中年好借問秦

淮事有勝友比鄰早到 謂端木子  
疇前輩 還共幽討 離緒底

事類抽爲移家去寂寥多恐鶯惱灞橋羌遂已銷魂況  
又秋老但似取畫裏媚眼猶含咲驚棖觸年時事萬柳  
堂前立幾夕照

霓裳中序第一

水雲遜譜是潘榕皋先生所製詞以工尺度爲歌曲者水雲其自號也文孫順之年丈近以刊木見貽爰賦之

旗亭記舊曲倚壁沈吟誰更續茸帽客來按筑又紅怨  
翠擊哀絲豪竹新詞漱淥羨水雲吟歎邁軸玲瓏犯石  
泉陡落點滴瀉谿谷 棖觸故山松菊想幾度琴尊往  
復橫塘歸路寢熟荻遠合煙柳老搖綠舊游紛在矚更  
四上分明細讀翻新譜梅邊三弄奇意嶺頭玉

被十

四上秋宵吟

曉霧蒸雨意將作寒詢之是秋盡日也拈此儻之并寄山中諸子

雨含煙霧作暝準待西風催冷秋將盡臙岸柳蕭疏亂  
鴉棲並動離情縮逝影暗擲流光誰省尋殘屨比漏刻  
春宵聽鐘還醒 道暑迎涼記那日梧飄墜并向山門  
啟退直車閒爽氣箇中領霜角城頭警對燭而今寒越  
夏永爲純鱸寄語鷗羣和雪和月繫棹等

暗香

余家鄧尉山中水邊籬落無非梅也兵燹後親舊播落非復昔時久客都門輒復凝想爰賦本意以當臥游

廿年作客慣苦吟屢繞枝南枝北細篠雀喧別墅茅茨  
又岑寂猶記孤篷渡晚曾深入枇杷花側但怕說一騎

飛來門掩白雲密  
鄰遂憂惻歎巷冷店空再宿非  
昔欄橋瀉碧殘雪霏微點落石惟賸僧樓下瞰空翠落  
千年寒柏又氣侯三九近綺窗望極

忘來疏影

壬戌避亂真如陽與汪燕庭同居穆小雲農門相去咫尺所夕過從無閒風雨癸亥春將

如丸過眼

上海曾作落梅詩志別農門極賞之輒以語燕庭今二繆物故燕庭自杭歸里落落寡

人賞菜蔬

偶乃倚是調賦之并寄燕庭

江干思發數鷺鷥幾許同臥雲屈雪曉衝寒遙夕圍鑪

花前共賭瑤札機雲一去吟魂遠但悔負年時明月待

甚時鶴化重來碎踏滿蹊香屑還憶溪林蒼蔚覓泉

注細響如語幽咽別緒誰知說與汪倫縵綵攀芳時節

薇十

三

西湖客倦今誰伴又一權六橋輕別擬買山更結比鄰

努力飽餐鱸鱖

淒涼犯

銀灣上榭街走廣甯門道也秋冬之交煤騎絡釋馱鈴如沸蕭晨坐聽黯然旅思

白雲凍合忘昏曉

此調起句七字不用韻宋賢皆然萬紅友詞譜於弟四字注韻戈順卿詞

林正韻遂增陌字入覺藥韻中恐誤

無端雜籟交集梵鐘送遠銅壺注漏

做成淒惻郎當竟日問誰似圖澄解譯近黃昏城頭鼓

急來往更如織回念柴門外嶺轉樵歌水嬉漁遂細

風過耳動吟情岸容山色倦旅而今但窮巷商聲度陌

遣閒愁獨把變徵按碎拍

城南拜石詞自序白石道人自製曲十三首又隔谿梅令杏花天影醉吟商小品玉梅令霓裳中序

第一雖非自製而摘詞定譜實始堯章一洗柔滑  
纖縵之習每欲倣之卒卒未果今秋得水雲遂譜  
先成霓裳中序第一因與甯都彭遜軒琴江甯端  
木子疇塚兩前輩臨桂王幼霞鵬運同年相約同  
擬諸君先後脫藁比瑟軒出守將次就道乃屏除  
塵雜并諸小令相繼成詠雅不敢與古人抗衡然  
優孟登場邯鄲學步尙不越尺寸遂從編年之例  
別爲一卷命曰城南拜石詞光緒丁亥十二月中  
泮

小重山令 賦益中紅梅

生飭蓬壺骨相奇長偎鑪火淺暈燕脂十分穠豔女郎  
詩東風峭新寵賜緋衣 何處碧山棲祇應沾淺水映  
朝曦小名嘔與范邨宜煙波闊誰把玉簫吹

南浦 雨中頗憶南河花事他日蘂笙以紀游之作  
見脉粉香脂膩流連於一花一葉幼霞和之

被十

四

予亦繼作

閒唱惜紅衣羨詞仙早動南河游興深入畫中行空濛  
處疑有灤梁千頃紅疏翠偃粉痕和露餘香凝看取新  
粧擎水出似否鏡中人影 江湖經慣煙波甚臨流尙  
愛瓜皮艇竝應憶舊盟鷗松陵路遙夜洞簫聲嘎閒情  
暗省卷波潏引荷筩冷雪蕩調久畱後約還借北窗同  
凭

聲聲慢 聽雨用王碧山韻

落溪門掩草長庭空無端思動滄洲點滴空階垂簾鎮  
日扶頭寥天更無雁影但暗螢窺戶還流會心處似拜

琶掩抑只諒沒愁一回憶中年客裏聽津亭殘檣一掃  
句畱自去江關悄然人海虛舟而今倦游澹往又依稀  
紅燭歌樓盼新霽要銀蟾來共素秋

詞

齊天樂 內閣堂下老槐一本清陰滿院靜對忘  
暑和疇翁前輩作

詩

綠雲蒙密籠朱戶壺中日長人靜葉細篩金簾虛  
納翠炎暑人閒消淨花磚度影似紅藥翻階碧波

詞

交若雨露醍醐自天嘗飽定應省 壺盧依樣漫  
晒問音聲迭奏多少瓌瑋但說三公依然一夢何

詩

似鳴蟬響競逢山地迎要鳳軫迎薰雉羹調鼎幸  
倚高枝坐銷官漏永

呂鳳岐瑞田

鳳岐安徽旌德人同治十三年由舉人考取到閣

臺城路

鄭茗仙女史百花圖卷子爲積餘世兄所  
得遙屬題以長調予素不工詞兼未見跡

薇十

五

此圖虛倚臺城路一闕非惟臨眺方家知  
女史貞魂當要九京齒冷也 見元圖

卷

當年毒霧狂颯起殘揉好花無數建業天昏揚州月暗  
勁節僉稱肩嫵哀音欲謫看絕命詞成不勝淒楚銀管  
閑揮陽春一曲已千古 那知畱畱粉本任紅羊劫重  
若有呵護掄底香生篆端露漬定帶愁痕如縷羣芳作  
譜問可寫冬青女貞重補惜未披圖惹思量幾許

珠王仁堪可莊

長城壁來其素煉

晉仁堪福建閩縣人同治十三年由舉人考取到閣  
晉甲戌成一甲一名進士授修撰官至江蘇蘇州府



不語知府... 金縷曲... 未季... 金縷曲

金碧湖山好又天然錦屏韻友冷吟同調似此年華孤  
負慣一例香衾顛倒都付與羈遊草草閒煞樵青無宅  
泛老頭皮準荀新詩誚雜雀怨野鷗暎望雲首向鴈  
稜嬌那能忘淨湖湖畔白蓮風曉忽唱歸田江水句喚  
醒寢婆多少早料理煙蓑雨棹贏女洲清香芰熟十年  
來打就丹青臺塵土債幾時了

傳 潛禽塗石雲詞

潛山東聊城人同治十三年由舉人考取到閣

薇十

臺城路

益梅一株種四年矣高將五尺歲歲作花  
宛然成樹鏡下觀之尤妙把酒欣對爰成

新 舊 此閣

欠姿不染黎雲媚年年古妝含峭幹蹙鱗皺瓷融落暈  
癯影背鎰娟妙垂虹路渺問老去詞仙幾人同調一縷  
嗟魂玉簫千載韻猶裊燕台花事恁早閉春矜富麗  
豔妒天巧凍雀偎林蒼虬印水誰記孤山清曉回眸淺  
映伴倦客銷凝閒斟翠醪月落參橫飲香換醉醉倒

金書鷓鴣天

詠小園花鳥

灼灼嬌紅映酒卮桃花未老忽離披貪隨胡蝶輕盈舞  
不記春工醞釀時 榆莢亂柳絲飛峭風欲折最高枝

輸它雙鵲多才思解把新巢穩處移

前調

黃鸝人同前十三辛由城犬峯如海關

黃葦編籬一帶斜籬陰蓋瓦仿山家風迥古磴翻書帙  
燕墮香泥點畫叉閒部署澹生涯飯餘啜啜一甌茶

客來無事忘賓主散髮吹簫對落花

筆幾幾玉蕊

期揚州慢

維揚感舊

念慈母知禽鬱蘭齒應千古

髻柳黃凋病楓紅綴暮鷗萬翅盤青認瓜洲進泊更踏  
葉閒行戀衰草壕空臥馬凍旌風掣殘壘雲平似千年  
遼鶴飛來重認燕城冷春罷唱步虹橋誰數秋螢問

綺榭珠簾銀箏畫舫寒月無聲轉首雪鴻疑屨朱顏換

被十

七

劍鐵飄蓋悵孤篷敝枕依然人語潮生題浪意未盡

念奴嬌

黑密厥感秋

春露

萬峰連影抱雄關東轉蒼然如玦鴈唳三邊風葉下徒  
倚層臺望極驛指流沙帆飛渤海形勝真無匹角聲催  
暝旅裏何限悽惻遙念頡利成禽樓蘭齒劔千古多

奇績虎穴縱橫三十六心折班生投筆蟻聚丁藟雕盤

蒲類俛仰追陳迹龍山吹帽昔年清事誰識

黃楊

晨定勇

晨浙江黃巖人同治十三年由舉人考取到閣

鳳皇臺上憶吹簫

題小螺盒病榻憶語

見孫道乾小螺盒病榻憶語題詞

鏤雪聰明惜花情性年來瘦損纖腰記鴛鉞繡秀曲譜  
璫簫淪罷一甌春露妝臺畔心字慵燒吟裏悄玉梅圓  
綻粉蝶斜捎用女史亂飄胡蝶入梅花詩意迢迢碧城十二有萬朵  
蓮華催送仙輶悵杜蘭香去一樣魂銷奈此白頭人在  
傷金鹿老淚珠拋空凝憶垂楊畫簾夜雨瀟瀟

王鵬運幼霞裏墨詞蟲秋集

鵬運廣西臨桂人原籍山陰同治十三年由舉人

到閣現官禮科給事中

篋中詞譚獻曰裏墨詞千辟萬灌幾無鑪錘之迹  
一時無兩○又曰往者陽湖張仲遠敘錄嘉慶詞  
人爲同聲集以繼宛陵詞選深嫩閎約之指未隊  
而佻巧奮末者自熄願有以平鈍雷同相警者近

薇十

八

歲中書諸君子有薇省同聲集作者四人各有所  
格而裒衷同栖於大雅幼遐緊精夔笙隱秀將治  
南北宋而一之政恐前賢畏後生也又秋憲益  
詞序獻投老以來同聲斯應嶺表賢達天涯素心  
東有汪美生沈伯眉望風裏思西有王幼霞況夔  
笙撫塵結契池波共皴井水能歌出門有必合之  
車異曲有同工之奏花間草堂去人不遠拍肩捩  
衷引以自豪  
繆荃孫宋元三十一家詞序吾友王子佑遐明月  
入抱惠風在襟孕幽想夫流黃激涼吹於空碧古  
襄落落雅詁類於虎賁綺語玲瓏不墮於馬腹  
曾偕端木子疇許君鶴巢況君夔笙刻薇省聯吟  
詞固已裁雲製霞天工儷巧刻葩躋卉神匠自操  
矣

唐景崧請纓日記王氏在桂林曰燕裏堂科弟輩  
出佑遐尤爲身衣佳子弟也惜有鼻病然盲左腐  
遷名雄千古矧鼻也何害將以此慰勵佑遐

摸魚子

瑟軒前輩闕近作拜新月詞贈句云鈞竿  
百尺綴珊瑚不羨麒麟閣上圖欲取盤魚

斫作贈問君何處覓屠沽蓋鑿括詞中語也倚此奉會

鎮無聊一尊相屬罪言君試聽取管城食肉都無相妄  
意鳳脩麟脯君且住問鯖合侯家勝得齋鹽否書空自  
語歎臣朔長飢將軍負腹奇氣向誰吐 麟閣上往事  
不堪細數算來圖畫難據高平博陸皆人傑屬國爾來  
何許休起舞便燕頷權奇無覓侯封處歌子和汝縱掣  
得金鰲鳧髦未埽莫慰此情苦

前調

瑟軒以長調見酬再用前解會之

對燕臺蒼茫落照歲華還又催暮縱橫九陌馳車騎仰  
屋著書何補空自苦怪吾子高歌青眼還相許餐風飲  
露任十丈塵飛瓊樓自迴目斷最高處 年時事贏得  
滿襟塵土儒冠空把身誤文章近價君知未弟一鮑家  
詩句忘爾汝算只有醉鄉日月無今古休嗟小戶間破  
帽衝風吳霜欺鬢還是舊時否

薇十

九

長亭怨慢

亭阜木葉下紛紛七見秋光老薊門多  
少天涯淪落意未應秋土獨消魂此已  
取口占句也容易秋風又逢搖落古所  
謂樹猶如此者豈欺我耶用石帚仙自  
製腔以寫懷抱

乍吹起愁心千疊寂寞亭皋試寒時節搖落何堪庾郎  
離緒黯淒切客裏添否還認取星星髮人老薊門秋枉  
盼斷飛鴻天末 愁絕對宮溝幾曲多恐怨紅飄沒尋

詩舊徑省前事暮雅能說是春風萬綠成圍早陌上玉  
驄嘶熱但極目長空冷翠澹煙明滅

賀新涼

霜露既至雲物皆秋獨弦哀歌用舒予衷  
調成以示巢隱曰此秋聲也爲之擊節

宋寔閑門閉又天涯歲華如此旅囊孤寄姪燕嬌鶯前  
日事依舊空塔絡緯更著甚筦弦清脆薜荔叢深猿狖  
歎料靈均應恨歌山鬼還禁得幾憔悴 海山煙樹蒼  
茫裏自成連刺船歸後果移情未白眼看天星與月但  
見樓臺彈指間高處闌干誰倚漫遣鈿箏移玉柱鑄相  
思枉費黃金淚聽嘹亮雁聲起

黃金鑄出相思淚張玉  
田句

水龍吟

平生者睡成癖讀天籟集睡詞沒有契於  
予裏者戲用其均以誌賞心

薇十

十

輭紅十丈塵飛人間何許蕤愁地積然一咲玉山自倒  
春生癡寐我已忘情燕邊覆鹿槐根封蟻歎無情世故  
倉皇逐熱誰能解於中味 謾說朝來拄笏最宜人西  
山姓翠何如一枕忘機息影黑甜鄉裏萬事悠悠百年  
鼎鼎付之酣睡待黃鸝三請窺園乘興倩花扶起

百字令

登陽臺山絕頂望明陵

登臨縱目對川原繡錯如接作平襟裏指點十三陵樹影  
天壽低迷如阜一霎滄桑四山風雨王氣消沈久風生  
金粟老松疑作龍吼 唯有沙綫微茫白狼終古滾滾  
邊牆走野老也知人世換尙說山靈呵守平楚蒼涼亂

雲合杳欲酹無多酒出山回望夕陽猶戀高岫

摸魚子

癸巳熟食雨中

倚疏櫺斜風吹雨庭堦直恁蕭散方春已是情衰惡何  
況春如人倦春莫怨便添盡春潮比似愁淺淺簾櫳漫  
捲賸兩痕潛痕十年幽恨無計謫歸燕 壺山路昨夜  
夢中親見棠梨幾處開徧東風濺慣孤兒泪那更雁行  
中斷時聞上高兄赴愁望眼認一抹平蕪冷落江南岸鑪煙颺  
晚怕浙浙瀟瀟空牀臥珥容易鬢絲換

金縷曲

二月十六日記夢

夢境非耶是是分明親承色咲融融洩洩姓日房櫳周

被十

十一

旋久左右孺人稚子怵歷歷少年情味懊恨晨鐘催夢  
轉擁寒衾往事蘆星記賸點點行行淚 不堪衰鬢成  
翁矣試回頭卅年彈指悲歡夢裏難得宵來團圓樂情  
話依依在耳似遠別恩恩分袂若是九京仍骨肉算此  
身此日翻如寄空有恨問誰會

南浦

寒食日憶壺山桃花再用玉田春水均

芳事說壺山近清明正是千林春曉花氣潤姓嵐溪橋  
外風過麴塵如掃單衣乍試翩翩蛺蝶迎人小怪底晚  
風薰欲醉看取青紅芳草 眼中節物依依便歸來已  
是十年遲了寄謝草堂靈新蹊畔知否夢雲曾到空煙

杳渺鳴鳩聲裏山容悄坐憶陰崖題石處賸得墨痕多  
五嶺春明看駐馬三山日暝聽鳴鳩山外四望樓楹少語也周儀按吾邑東郭四望亭楹聯春明作花明三山日暝作四山雲霽先少吳世父謨句亭稍北卽壺山

玉漏遲

望中春草草殘紅卷盡舊愁難埽載酒園林往日遊情  
倦了幾點飄蕭花絮做弄得陰姓多少歸夢好宵來猶  
記驂鸞親到尾長翼短如何算愁裏聽歌也傷裏抱  
爛錦年華誰信春殘恁早畱取花梢日在休冷落舊家  
池沼吟思悄此恨鷓鴣能道

鸞唬序

江亭感舊用夢窗春晚均

被十

十一

疏鐘謾催暝色送銀蟾到戶畫屏悄人老尊前青山猶  
是朝暮認簾外陰陰暗綠昔年種柳成嘉樹夢江風吹  
散紅綿似憐萍絮少日江亭俊侶勝賞綵輕塵輓霧  
酒痕凝依約餘香春衣繾盡紉素倚新聲花嬌月困誰  
惜取曲中金縷證前遊指似鳧潭舊眠汀鷺雲鴻自  
遠遼鶴誰招燕勞尙倦旅儘說與溪山無恙廿載回首  
數到晨星感深今雨蕭條鬢影飄蕭詞筆驚風葭葦鳴  
寒瀨最難忘李郭同舟渡期君盡醉題詩那用紗籠澹  
墨漬徧牆土危闌悶倚離恨無端似抽絲引苧試爲  
訪荒祠酌酒花事春闌淒匆蕤香蝶魂夜舞閑身偷得

英遊暫續秦箏低撥尋舊譜柰清商黯黯生絃柱寄聲  
鄰遂休哀對此茫茫暗愁任否

南鄉子

斜月半牖明疎雨姓時淚未姓倦倚香篝溫別語愁聽  
鸚鵡催人說四更此恨判今生紅豆無根種不成畫  
裏屏山多少路青青一片煙蕪是去程

徵招

奉和玉楝詞人見裏之作

幾年落拓揚州窈樊川倦游情味一遂落梅風又吟蓬  
孤倚江山仍画裏祇無那莫天愁思白袷蕭騷綠陰岑  
宋暗消英氣池邇楚天長裏人處扁舟舊時曾繫黃  
雀儻歸來問飛僊醒未行歌休弔禰怕塵泥斷襟殘泪  
碧雲遠醉拂闌干正夜空如水

薇十

十三

張丙炎曰詞境如空谷佳人極意明觀仍復天然  
矜重昔人云自然從追琢中來迺至追琢又從自  
然中來此境不易能並不易知夔笙自鄂郵示此  
闕天未神交馳企曷已

李錫彤芋亭

錫彤河南夏邑人光緒元年由優貢生到闈

綺羅香

雨後見月有感

宿霧籠煙濃雲蘸水攔住清光如許空說圓靈那照斷  
魂淒楚暗銷磨綠鬢朱顏惹根觸舊愁新緒倩封姨吹  
徹長空纖纖彎印澹眉嫵瑤臺休怨縹渺不是嫦娥



那得私奔高處桂殿蘭宮惟有眾仙來去好珍重七寶  
前身莫錯認九霄雲路夏聲聲落葉橫飛打窗驚又雨

案芋亭此詞出疇丈崔公半唐相顧驚服擊節不  
置遂與定交自後倡酬之作甚富

張雲驥南湖父壺詞

雲驥原名毓楨順天文安人光緒元年由拔貢生

到闕

周鑾詒父壺詞序南湖舍人側儻不羈游屐南潮  
恆萬餘里與人交久而誠所著詩文雜俎十餘種  
皆精甚賅博而於詞尤無美不備寄意閨齋而不  
入狎昵蹈揚湖海而不涉粗疏慢詞多商羽之音  
如驚颯激湍哀震林壑小令則如新箏乍調精麗  
芊絲不減梅溪片玉要以溫厚爲主不失樂府之  
遺至於酒酣一往哀感激昂佗僚不平之氣悉於  
詞焉寓之此亦南湖之遇爲之也

薇十

十四

貂裘換酒

酒後東王秀峯學博

且倒山公酒祇而今填胸壘塊澆餘還有匣裏青萍三  
尺水深夜雙龍怒吼常伴我沈吟搔首頗信伯鸞能自  
熱咲孟嘗門客真雞狗知我者琅瑯奕  激昂投筆吾  
非後且毋庸追尋季主談辰問酉身後但能傳好句營  
觥啄花紅溜也抵得紫袍金綬此志可憐還可咲算榮  
名千載天難朽狂語也然乎否

望江南 秋筵

紅鏡畔甲夜酒醒時花底輒風溫似肉柳梢纖月小於  
眉檀板唱新詞

浣溪沙

午夢扶頭花院淡薄寒猶帶一分陰別離滋味費沈吟  
豈有垂楊能解恨斷無芳草不銷魂高樓無事莫登  
臨

清平樂

粉雲香雨釀得春無主  
軟綠鶯屏通密語  
瞞了玉籠鸚鵡  
尊前替拍紅牙  
鶯喉溜出文紗  
愛唱曲中折柳  
不知身是楊花

洞仙歌

漱玉泉在濟南城西南石林精舍中舊日  
柳絮泉卽李易安故宅也秋杪游此同夢  
湘同年賦之

被十

五

煙疏月澹是銷魂時候詩徑重來碧落斂恰尋覓覓  
一角黃昏祇闌外滴清泉依舊  
暗香渺何處  
靄亂青桐猶鞞玲瓏舊衫衷惆悵捲簾人  
落葉西風問幾度  
寒蟻僂僂賸影事  
模餽問黃花  
咲客裏東陽也如花瘦

望江南

歸思二首錄一

歸去好春事正芳華  
西淀魚鰕東淀蕩  
前村桑柘後村  
花何事不還家

雨中花

何處銷魂那時門巷依稀記得兒家  
恰纖腰十五學浣  
春紗堂下石榴繫馬門前楊柳藏鴉  
正好春時節柔情

暈雨冶態飄霞 鸚哥簾底秋千架 畔幾度寫地逢他  
誰信道海棠開後回首天涯一段梨雲涼夢 恩恩錦瑟  
年華從今莫問畫中人面水上桃花

買陂塘

春日將移居關外梨花一樹黯然有眷別之意感而賦此

甚恩恩春來幾日行蹤忙似飛絮無聊倚徧闌干角悶  
對一團香玉嬌不語待說與離愁偏是愁難謊一般情  
緒祇小閣黃昏畫簾粉月知道此情苦 從今也多半  
玉容無主可憐偏又春暮東皇縱解相憐惜怕有曉風  
還妬低吟處奈深閉重門難覓銷魂句夜來庭戶願綯  
佩雲裳溶溶月底來識夢中路

薇十

長亭怨慢

出湘春門以小舟溯洞麓山之下天寒水闊湘雲低昂俯仰身世眷裏故人因填此詞寄小芸舊生京師

記京國舊同游處細馬春城醉中詞賦容易東風吹成  
別恨滿南浦多情何苦謾贏得長羈旅煙水渺天涯何  
處覓舊盟鷗鷺 日暮咲孤吟誰答愁滿楚天雲樹長  
沙痛哭有誰管少年歧路便江上湘瑟哀絃早化作冷  
篁煙雨算祇有相思一點征鴻能諳

漢宮春

薇垣夜直

縹緲蓬萊正天香風細吹溼瑤華禁樓鐘起飛度  
碧瓦雲牙翦餘蓮炬覓新詩小側身紗人靜也五  
雲圖畫壁間飛墜餘霞直慮有華亭張溫相公畫  
紫薇一幅 追念昔游何在想匣中寶劍時迸霜  
花數年馬蹏輪鐵欄漫天涯薇垣此際對姓空銀

漢初斜紅牆外一鉤月影曉風號斷宮鶉

葉大莊損軒小玲瓏閣詞

大莊福建閩縣人光緒二年由舉人到閣現官江

蘇侯補同知

聲聲慢

賊退經年行次秀洲荒江破屋彌望慘然孤舟夜泊倚此寄意

霜高角咽日澹旂寒秋程一片黃昏記得前游孤艇翦

燭誰論淒涼墜鷗夢醒冷蕭蕭暈出波痕遠望外問荒

鏗破瓦何處孤邨十載真如槍火向鴛湖夜泊疏雨

潺湲古柳栖鴉江路約略猶存重來落颿買酒訝溼宵

過客敲門說亂定有人歸無地招魂

薇十

南鄉子

曼睽同客金陵偶填此調寓玉溪巴山夜雨之思情均雙豔余適重有感疊均豔作

豔癯冷湘屏小雨衾窩旺到明斷送江南秋去也瓊瑋

嬾續么弦弟二聲歸權佛狸城謾說傷心畫不成元遺

山句一片傷心畫不成帶得六朝煙水返淒清天上人間寄與卿

曹鍾英紫荃勸梅館詞

鍾英原名毓英江蘇吳縣人光緒二年由舉人到

閣

曹毓秀勸梅館詞序吾弟紫荃幼而穎悟雖好四聲稍長與太倉知名士錢君芝門交摹宋仿唐更

極精微澹遠之致

菩薩蠻 白公祠

小紅亭界秋湖曲  
蜻蜒點水綠  
四面碧垂楊  
有人憑水窗  
好山濃對岸  
雨過湘簾捲  
樓閣上  
鏡初殘  
陽一半無

金縷曲

鴉陣

萬翼盤旋急  
是將軍蔽空而下  
陣雲都黑  
曾向八公山下  
過草木至今無色  
但一片霜威蕭瑟  
好趁今宵天欲雪  
聽營門書報准西克城上角  
戛吹出  
況今驛路烽煙密  
料烏江八千子弟  
全軍皆墨  
莫咲聯翩虛結隊  
應有幕巢堪覓  
問何處關河棲息  
此去飛鳴還得意  
看藟星塗盡  
風前檄須不讓振天翻

蓓十

六

更漏子

庚申北上道樓回南車中譜此

五更風千里  
月戍鼓暗催車  
發荒驛裏  
斲橋邊  
酒醒鄉寢寒  
馬空嘶  
人不語  
撒面亂沙如  
雨烽火逼角聲殘  
天涯行路難

長亭怨慢

是誰傷高樓橫  
遂幽咽風前  
離魂銷得短鬢蕭蕭者  
番顧影共悽惻  
葉乾絲盡都皺了  
荒寒色  
鴉點散  
蒨星又風雪  
江邨畫出  
蕭瑟看垂垂  
幾樹一樣酒帘飄  
直藏鶯掠燕  
怕記著  
冶春踪  
跡便斜照  
紅上闌干  
燧不暝  
幾絲愁碧  
算來歲春濃  
只隔玉驄消息

汪行恭子僑雲居山民集附詞

行恭浙江錢塘人光緒三年由舉人到閣

南浦落花 見詞綜補未刻卷

花開正好算今番長共月華圓窗外風聲蕭瑟徹夜不成眠誰料紅顏命薄恨靈根易了世閒緣待曉來細審玉闌干畔空自泣嗁鶯最是無情楊柳把韶華送去竟如煙寄語閨中女件好夢在纏繇儘向東君屬付再相逢冷落已經年者別離情緒相知賸有蝶翩翻

潘鴻儀甫萃堂樂府

鴻浙江仁和人光緒三年由舉人到閣

被十

九

念奴嬌 和張蘊梅

見篋中詞

水沈香爐撥寒灰賸有春心一縷如此青袍芳草色酒醒天涯何處花惱含愁蓬飄墮屢握手渾無語天風吹斷隔簾還認飛絮鸚鵡莫話三生一般顛顛忍見輕紅雨寶鏡團圓藥休照影空把柔情付與宛轉蠶絲叢殘蝨粉那有傷春句回廊倚徧夜來風露如許

月華清 八月三十夜江舟詠月

刀唱金環鈎懸瓊玦紅窗簾捲愁凭桂景婆娑記得晚來粧靚甚玉階兔竊霓裳便碧海鸞孤欠鏡吹暝正涼風飄樹滿江煙凝脈脈相看不語有宛轉腸輪夕波

同證過了圓時滅燭那堪重贈算寢魂盼到佳期怕此  
後陰姓莫平定空贖者雙蛾瘦減傷秋多病

菩薩蠻

畫樓一夜風兼雨門前芳草青無數簾景暗低迷飛筍  
吹滿衣尋春雙紫燕幾度珍萊見日莫待君來試將  
儂意猜

沈沈小院飛香雪屏山靜揜梨筍月春事忒模黏鸚哥  
欄下嘯雙鉤輕戛玉癡冷夫容禱半面隔蟬紗情知  
作計差

齊天樂

中秋夜用竹屋裏梅谿均

薇十

干

翠樓吹遠行雲榭今朝怕逢姓霽破鏡飛還明珠弄罷  
回首佳人千里空堂徒倚算把酒年年幾番醒醉莫便  
闌簾舊時歡寢被鉤起還憐瑤殿竊藥玉顏偏耐得  
宗平寘去情味井畔桐疏庭中桂老獨抱欠心不二嬋  
娟似此夏風露人間夜涼如水滅燭思量路遙誰與寄  
譚獻曰跌宕彰情靈不匱鳳洲逸才數向洞明  
流變文心詩品唾地成珠然而江東兵法固未宜  
竟學也

封祝唐壽君

祝唐廣西容縣人光緒六年由進士到閩改候選

知縣

白蘋香

題真蕙墨蘭便面

九畹芳心欲詠幾生豔福能修濡豪天聖舊風流輸與  
王孫消受薄醉花閒顧影銷魂扇底迴眸憑誰添綴  
紫櫻桃併作鄭家春好

沈桐敬甫

桐浙江德清人光緒十四年由舉人到閣

菩薩蠻

鷓鴣不識春歸去聲聲猶喚離人住別院沸笙歌新愁  
可柰何闌干都倚徧翻妒營巢燕往事等閑休飛花  
上小樓

薇十

三

上小樓

桃根桃葉木蘭舟只載離人不載愁欲詠萍蹤豈自由  
兩悠悠碧海青天又早秋

史悠咸澤山

悠咸順天宛平人光緒十八年由進士到閣

暗香

綠珠粉牡丹用石帚詠梅句

阿誰著色把春魂一縷喚回長遂步障移來穠豔應憐  
露華摘生法明脂薄潤儘閑倚珊牀拈筆恰趁就一滴  
梨渦扶醉鞦韆席香國舊寢宋悵綺閣酒闌檀暈猶  
積殘粧似泣解釋東風鎮相憶爲問豪華影事祇舞霞

此の行是史悠山

此處是史悠山



文選帝均編  
去如行

青青未染闈道胡兒祁連每過泪落筋聲怨風霜頓改  
關河猶昔汗馬功名今賤驚心是南山射虎歲華易晚  
眉上雅黃釵上鳳壓得春愁重竹梢清露滴闌干中有  
湘娥幽泪不曾彈 鶯慵蝶倦都無賴薄恨屏風外博  
山鑪子篆香熏不信鑪煙散後作行雲

蝶戀花

一片閑愁無處著空裏游絲直任風飄泊望斷闌干天  
一角夕陽那似春魂薄 青鳥無端傳密約玉印檀痕  
莫負香香諾王母桃花開又落彩雲窈窕閑池閣

薇十

三

真真前調

九十韶光如顰裏寸寸關河寸寸銷魂地落日野田黃  
蝶起古槐叢秋搖深翠 惆悵玉簫催別意蕙些蘭騷  
未是傷心事重疊泪痕緘錦字人生祇有情難死

山鵲慶宮春

伯舟金陵作

岸葦平潮渚蓮銷粉莫雲作盡秋色涼入空江蕭蕭夜  
雨短篷清溜白滴記曾分手黯春緒垂楊未碧山圍依  
舊偏是孤燈照愁今夕 旅裏坐對茫茫白髮新添此  
情誰識連環解贈淩波去後嶺竹斑痕猶積袖羅香減  
悵天遠難憑雁帛初寒清警幽夢醒時隔江聞笛

臨江仙

廣州舟中作

嶺外尋春春景異，木棉處處開花。艣聲人語共咿啞。蠻神依檉，枯水市足蠔蝦。一曲招郎才調好，閑聽蠻女琵琶。翦風絲雨送歸鴉。近來情性，別不弔素馨斜。

水龍吟

落花飛絮茫茫，古來多少愁人意。游絲窗隙，驚飈樹底，暗移人世。一夢醒來，看看明鏡，二毛生矣。有蒲萄美酒，芙蓉寶劍，都未稱平生志。我是長安倦客，二十年、輾紅塵裏。無言獨對青燈，一點神遊天際。海水浮空，空中樓閣，萬重蒼翠。待驂鸞歸去，層霄回首，又西風起。

薇十

三

史悠咸澤山

悠咸順天宛平人，光緒十八年由進士到閣。

暗香

綠珠粉牡丹用石帚詠梅句

阿誰著色把春魂，一縷喚回長筵步障。移來禮豔，應憐露華，摘生怯明脂薄。潤儘閑倚珊牀，拈筆恰捻就一滴。梨渦扶醉，彈瑤席，香國舊寢，宋悵綺閣。酒闌檀暈，猶積殘粧，似泣解釋東風。鎮相憶爲問，豪華影事，祇舞裏餘芬。凝碧恁歲歲，拌十斛和春購得。

疏影

仙姿映玉，正淺霞泛靨，殘醉經宿。懶髓輕調，略點呢斑。

瓊筵寢斷絲竹東風約住明粧影禁幾度峭寒闌北怪  
恁時遂裏春歸喚醒芳魂獨莫語名園往事蛾眉  
儘澹掃愁騰凝綠弟子飄蕙驚憶前塵賸有牽蘿葦屋  
還憑白紵題細管卻付與翻風詞曲試緩吟敲碎青珊  
定染冷香盈幅

薇一

音

五  
雲  
香  
盈  
幅  
瓊  
筵  
寢  
斷  
絲  
竹  
東  
風  
約  
住  
明  
粧  
影  
禁  
幾  
度  
峭  
寒  
闌  
北  
怪  
恁  
時  
遂  
裏  
春  
歸  
喚  
醒  
芳  
魂  
獨  
莫  
語  
名  
園  
往  
事  
蛾  
眉  
儘  
澹  
掃  
愁  
騰  
凝  
綠  
弟  
子  
飄  
蕙  
驚  
憶  
前  
塵  
賸  
有  
牽  
蘿  
葦  
屋  
還  
憑  
白  
紵  
題  
細  
管  
卻  
付  
與  
翻  
風  
詞  
曲  
試  
緩  
吟  
敲  
碎  
青  
珊  
定  
染  
冷  
香  
盈  
幅

薇省詞鈔卷第十一 附錄

方采 臨桂 况周儀 夔笙 撰錄

范 遠 一首 方采 一首 李 彬 一首 王一元 五首

華希閔 一首 孟 瑤 一首 吳 登 一首 張應昌 七首

梁廷楠 一首 徐宗襄 六首 楊希閔 三首 韓 欽 三首

范 遠 密居 蘇如皋人東臯詩鈔云早入庠序以中翰

策名河工 見汪之珩東臯詩餘

憶江南

見汪之珩東臯詩餘

江南憶風雨卻三更夢破馬嘶桃葉渡燈寒雁過石頭

城回首重關情

薇村

滿庭霜 同人望秋

斗大荒城綫長流水西風亂顛秋楊微雲澹沱新雁兩

三行過了茱萸節後算只有今日晴光登臨久江天欲

莫紅樹冷斜陽 同君攄望眼百年鷗鷺幾度滄桑便

赤松而在鬢髮應霜況復天乎難問才人意多少悲涼

漁歌起樵歌會響點點下牛羊

方采 脫庵花悟堂詞

案詞雅采湖北潛江人進士官中書詞綜補二云號

蛻庵康熙九年進士 見詞雅

和影低徊踏月月去蘭缸休滅蘭缸滅卻影都無更身

孤漏語聲聲到枕滴入心頭正永闌珊幽緒語憑誰  
繡衾知

李彬麗愚石齋集附詞

案彬廣西貴縣人潯州府志云康熙九年進士官  
內閣中書

沁園春同廖千能必強登獨秀峯

壁立千尋三別四壺雄鎮桂城愛一峯崛起了無依傍  
羣峯聳峙終讓峻嶒五詠堂邊月牙池上陡削芙蓉拔  
地青重陽近有吟朋高興招我同登當年朱邸崢嶸  
說形勝天然得未曾元注山前爲前明靖江王邸故址問蒼茫一片澹  
煙喬木繁華幾歷畫棟瑤甍石延秋尋碑弔古人在

薇村

青雲最上層催歸去恰天風吹送遠寺鐘聲

王一元宛先芙蓉舫集

案詞綜續編一元江蘇無錫人占籍鐵嶺康熙四  
十二年進士官內閣中書自訂存詞一千六百餘  
首釐爲二十卷先芙蓉舫唐詞綜補云楊姓吳  
蓮子居詞話宛先初爲錢唐趙恆夫給諫吉士楊  
州觀風所拔士人居寄園後官內閣中書無子以  
女適給諫孫今芙蓉舫集二十卷在錢唐趙氏  
聽秋聲館詞話孫文靖兩準論詞絕句云作者誰  
能按譜填樂章琴趣調三千誰知萬首連城璧眼  
底無人識晚仙蓋爲吾鄉一曉仙中翰一元作晚  
仙寄籍奉天冒吳姓舉京兆康熙癸未捷南宮工  
駢體文善倚聲所作幾萬首顧自來選家咸未錄  
及里中人鮮有知其姓氏者余亦僅見詠物詞一  
卷

綺羅香

將別西湖用梅谿均

見詞綜續編

對月魂銷尋花夢短此地恰逢春暮絕勝湖山能得幾  
回留住弔蘇小紅粉西泠詠江令綠波南浦看紛紛油  
壁青驄六橋總是斷腸路重來樓上凝眺指點斜陽  
欲下扁舟歸渡過雨垂楊換盡舊時眉嫵牽愁緒雙燕  
來時縈別恨一鶯啼處爲情癡欲去還留對空尊自語  
感皇恩

見詞綜補

記得出門時袂衣初御滿眼東風正飛絮雕鞍欲上兀  
自依依軟語歸期何日是休教誤忽聽疏砧又驚秋  
暮冷落黃花澹無緒半簾殘月和著愁兒同住相思都  
盡了休重鑄

薇村

百字令

馬纓花

三

柔條翠葆看紛披似翦垂垂芳樹暮捲朝舒如有約好  
俯小窗清暑怯不禁風嬌宜泣雨似有濃香度新秋近  
也繁花忽綻千縷絕似揉碎紅絲帶將曉露綴向枝  
頭去是葉是花渾不辨只辨淡紅攢處弱線空牽同心  
欲縮愛煞停針女拈歸繡閣幾回錯認絨吐

水龍吟

漁簑

見聽秋聲館詞話

誰披翠結香莎攜竿逕上扁舟去醉來臥月曬來隨網  
浪花深處新婦磯頭女兒浦口白蘋紅樹任瀟湘歸晚  
都教溼透收不了煙和雨歷盡風波幾許好忘機狎

他鷗鷺纔看水濺還經雪打蒙鬆如故鱸美蓴香借渠  
拋卻閒愁無數向巖灘笑煞羊裘多事釣名千古

金縷曲 螢火

點破空庭暝看熒熒乍高乍下飄搖不定草際浮生元  
是寄偏帶空明心性愛依託花堦苔涖徑最好露涼雲淨  
候一星星撩亂梧桐井疑暫斂又相映 疏簾小幔黃  
昏靜惹佳人輕羅扇子撲來妍靚幾度半明還半滅照  
盡空闌幽景遮莫賽蟾光鳳脰隋苑祇今秋寂寞賸餘  
輝還伴書幃冷應不怕晚風緊

華希閔文友

敬拊

四

案詞綜補希閔江蘇無錫人雍正七年舉人官行  
人改中書王豫江蘇詩徵云官內閣中書

南鄉子

寒食郊行

見詞綜補

冷節恰新晴花霧空濛百鳥鳴漠漠郊原添嫩綠閑行  
飛絮游絲十里程 禁火賸虛名柳外炊煙幾縷輕來  
日風光應更好清明桃李陰中喚賣鶉

孟 塔湛文樾籟詞

案詞綜補塔江蘇長洲人雍正七年舉人榜姓陳  
官中書

滿江紅

題耶鄴盧生祠在城外三十里前祀呂純  
陽後塑盧生睡像按純陽乃唐末時人所  
記爲開天間事年代遠不相及蓋本屬寓

言耳今姑就天寶中言之漫題是解  
見詞綜補

龍躍宮池正萬里乾坤清晏能幾日開元天寶霎時回  
換政昇權奸楊與李兵歸藩鎮番兼漢便君才十倍勝  
哥舒誰容展昇平夢哀笛嘯繁華象空花觀算不如  
仙去雲中雞犬假使登朝隨序鶯也同巢幕悲羣燕省  
教聽蜀道雨淋鈴聲淒慘

吳登雲溪

案詞綜補登安徽涇縣人貢生官中書

沁園春

題墨仙姪課花詞

見詞綜補

滴粉搓酥無限閒情含無限思憶官牆擲笛曾偷法曲  
旗亭畫壁慣唱妍詞殘月曉風賜絃鐵板低度高歌總

薇垣

五

擅奇雕闌畔夏課花醉月忍負良時深閨韻事誰知  
聽鸞鳳和鳴玉漏遲愛江郎妙筆花生爛漫蘇娘巧思  
錦織葳蕤羅帳斜褰紅牙輕拍細譜新聲付雪兒還  
堪羨羨蠅頭小楷共寫烏絲

張應昌仲甫煙波漁唱

案詞綜續編應昌浙江錢塘人嘉慶十五年舉人  
官內閣中書辛未壬申間晤云過庭時習聞仲甫先  
生官中書因到閣年分無效未便補入題名  
詞綜續編黃燮清曰舍人性情誠狠好學不倦是  
編網羅攷覈得力居多詞亦清迥絕塵使人自遠

生查子

見詞綜續編

垂楊送客行芳草隨舟綠舟客與林雅暮共荒村宿



已恨大河長更恨長河曲千里路千彎歸夢如何逐

一萼紅

甲午初春余旣和葉小庚孤山探梅詞旋有廣陵之遊仲春歸至湖上梅已殘矣用石帚均再和

綠成陰點梅英如雪殘萼不堪簪千里歸遲二分春去  
涼夜影瘦香沈破清夢參橫月落小樓外曉老翠衣禽  
孤嶼流紅四橋凝碧已誤登臨滿目湖煙湖水有飛  
來新燕掠到波心寶馬花郊玉壺茅屋芳景何處堪尋  
早寒食清明近也綻桃花如粉柳如金禁得東風畫闌  
玉笛愁溪

疏影

丁亥十二月十九日雪後孤山探梅先詣蘇拜坡公生日用白石均

薇垣

六

雙峯凍玉向斷橋曉伫溪處雲宿雪後春痕淡粉輕朱  
含顰悄映疏竹荒亭鶴去天寒甚臆鵲點枝南枝北指  
一泓清淺黃昏照見美人幽獨千古高風自在詞壇  
舊倡和同飲湖綠一菊寒泉一瓣清香供養神仙祠屋  
娟娟風露空山裏似聽得醉翁絃曲想羽衣月下飛來  
定寫冷煙盈幅

大聖樂

病中和同人西湖送春用草窗均

橫翠檐牙瘦紅牆角半湖煙樹看兩峰雲意惜惜仁暖  
又寒吹落幾絲微雨二十四番花風過但芳草平波迷  
絲浦歡游倦想人倚畫闌歌斷金縷蜂狂蝶狂未苦

算愁到啼鵲誰共語歎帶圍寬盡韶光孤負濃陰如許  
一霎玉驄香車杳賸楊柳深深垂院宇無聊甚夏雙燕  
穿簾叨絮

綠意 頻婆果

見在遠孫清尊集

瓊肌翠靨愛乍擎掌上蘭氣清哀碧玉情人春透雙渦  
嫣然低暈紅頰涼宵伴到頗黎枕早句引尋香幽蝶況  
指名說與相思眼底亂愁重疊 還憶燈前酒後玉纖  
手擘處風韻雙絕豔鬪櫻唇勝天王經佛相唇色潤澤如頻婆果芳沁蘭  
胸解得文園消渴封題珍重貽蘋鯉又嬾寫來禽書帖  
怕玉顏最易銷磨獨對一尊心結

薇村

七

八聲甘州

得許五年敦煌來書並示近詩賦此寄  
會見許乃穀瑞兮軒詩鈔題詞

正悽然萬絲漲西冷春歸餞花天又迢迢吹下千山雁  
使一紙魚牋相憶銀鉤珠字撲手好詩篇如話西窗夜  
細雨鐙前 橫梁鳴絃意緒說玉關雪踏蔥嶺烽傳書中  
述從軍時 睇凌霄鶴羽那得伴鷗邊待招來故山花下  
詩最隲 怕舊香疎樹已堪憐詩有招鶴篇書中問 天涯望渺雙  
峯外芳草寒煙

前調

五年及於敦煌傷哀感賦

憶去年今日雁飛來書傳玉門關說賦詩橫槊天山點  
筆雪嶺騰鞍報道歸期近也夢繞舊家山腸斷遼東鶴

怨羽飛還 記得鷗盟鷺約 指兩峯南北 結屋三間 遶黃爐前度 一誤是彈冠 恨茫茫楓青塞黑 拂龍鍾雙袖 淚難乾 傷心處 補梅亭下 花也闌珊

梁廷楠章南藤花亭詞

案詞綜補廷楠廣東順德人道光十四年副貢生官中書

齊天樂 題倪雲癯珠海夜遊圖 見詞綜補

星燈倒映珠波活 何人野航恰受蝶拍腔 勺鶯喉聲脆 逗起閒愁 如舊杯濃 珀酒漫染徧青衫 拋殘紅豆 絲竹哀豪 夏饒壯氣 射牛斗 清宵乘興 行樂愛蓬窗 夜爽真未曾有 初日年華 明霞才調 不脛聲名 飛走人同緒

薇村

八

柳看寫入圖中 苦吟肩 瘳來夕 憑橈許儂橫 笛否

徐宗襄慕雲絮月詞

案詞綜續編宗襄江蘇宜興人道光二十九年舉人官內閣中書

掃花遊 晨妝用玉田均

暖香宛玉正窄袖 拏幃曉妝初洗 春風十里 笑珠簾卷 處畫船輕艤 細數闌干花影 移來弟幾夜 深意試說與 海棠嬌夢 曾記嫩條 纔繞指 恁低拂 眉痕青青 如此縮雲鏡 裏欵柔情 渾欲不勝 羅綺 騰淺愁 深嬾作靈蛇 髻子髮垂地 映盈盈一睂秋水

琵琶仙 度曲用白石均

聲引風迴恍疑是百轉嬌鶯藏葉恰稱低撼瓊簫如珠  
吐清絕憑豔曲留春宛轉怕聽到綠窗嘯鳴蟬鬢微散  
鸞絃誤拂鸚鵡偷說消幾度約扇裏哀數芳信纔過  
禁煙節待買良宵一刻費飄歛香莢趁月影紅闌悄拍  
映纖纖暈添凝雪最是燈炮歌闌莫言輕別

虞美人

客中見新月

碧天如水星光皎怕說眠宜早眉痕怪底月能描也逐  
征塵迢遞伴春宵銀鈎小挂團圓影隱約藏離恨倚  
闌誰與話天涯自拚羅幃低語祝燈花

疏影

秋堞

薇堦

九

荒煙古堞蘸夕陽一片凝望淒絕畫角聲中城郭依然  
不是綠楊時節涵江幾點初飛雁掠雉影參差千疊但  
障寒不障新愁多少敵樓摧折遙想登陴勁旅陣雲  
漸散後風冷欺骨戍火星星落木蕭蕭都付狐狸營窟  
周麾我欲呼閭闔望不見岩堦金闕過女牆解得傷心  
惟有夜深明月

水龍吟

秋角

夜深如謫軍心者回催得霜天曉無端句起身啼落月  
馬嘶衰草出塞吹寒連營喚夢一聲聲悄儘攙來鬢粟  
和它刁斗渾未認官商調不怨將軍易老怨空城幾

多殘照譙門漏斷三更暗語十年愁抱畫不分明清難  
宛轉西風漸杳正銷魂莫被癡龍聽得霎時驚覺

高陽臺

絮影

見詞綜續編

風弄纖魂煙描弱態憑伊幻出春心吹去萍蹤誰憐門  
巷悵悵迷離青眼頻迴顧隔微塵和寢難尋驀沾衣恍  
認啼痕暗拭羅襟 虛空誰寫纏綿意看斜陽澹澹明  
月深深鏡裏愁闌應添繡閣香吟柔情不逐流波化倩  
游絲綰上花陰誤歸來紫燕輕銜翠箔虛侵

楊希閔臥雲痛飲詞

案希閔江西新城人聽秋聲館詞話新城楊臥雲  
中翰希閔好歌書手選歷朝詩詞爲詩軌詞軌加

被拊

十

以評斷用力可謂勤矣丙辰丁巳間賊擾建昌集  
數百人成一族屢與賊戰時江閩兵屯壘相望無  
有以一矢遺賊者逮新城再陷家毀力竭始開關  
赴閩藉筆耕餬口余初見其痛飲詞心儀之久乃  
握晤髮已蒼然英氣猶勃勃也茲錄其登邵武  
熙春山憶江南云登樓望斜照偏鄉關疏樹淡煙  
籠雉堞晚鐘清磬接龍山飛鳥近行遺舟次邵武  
大乾謁隋守歐陽公祠墓好事近云嵐氣溼衣衫  
山鎖一灣寒碧中瘞隋朝忠骨薦牲馨盈百墳  
前翁仲已頽唐靈爽尙憑式欲就蓬窗高臥奈灘  
聲嗚咽按歐陽公名祐官溫陵守任滿歸隋亡  
恥事二姓全家沈於大乾里人爲葬之陽劉起  
祀之祈夢奇驗事見邵武府志正史失載獨劉起  
潛隱居通議所述大乾夢錄謂愛山水清秀盤桓  
久之已而舟溺葬其地遂著靈應語與志異以是  
知古來忠烈湮沒不少卽如中翰不克少展所學  
蕚頭故紙以老能無慨然  
痛飲詞自序詞三十二首均丙辰七月後作時粵  
匪披猖郡縣風靡二月建郡陷三月吾邑亦陷僕  
不揣愚昧妄思拘土以塞盟津憤起義旅力圖劇

賊初宴新城既攻建郡振刷有機嫉滅無已樂羊  
之誦幾於盈篋楚人之銷將不旋踵壓壓蛇本无  
足畫手悔其自多蛾乃含沙行子畏其射影旋呂  
豐新再失南豐新城糧姑爲墟糧餉悉新城崩解  
糧等遂无供將伯頓頌謂家定之太守及黃子貞上  
舍誰爲知己夫長髮无多強半裏爵短垣自護儘  
足支持果使用兵得氣拊衆有方一鼓可滅孤城  
相喜易下今乃不然吁其數矣僕自釋重負日懲長饑  
天問無靈民夷可側杜康怨故異騷聲勢類阮窮  
此身飲不痛不痛不詞人非屈忍故異騷聲勢類阮窮  
聊當苦調有知我者定不以紅友之律苛繩從此  
期中逝馬將益假白墮之力澆悶也

對林浣溪紗

邑中感事丙辰七月

八百對禽賦可立

夢警香閣睡起難羅襦珠翠盡拋殘馬蹄狂踏亂山閒  
裏一片繁華何處覓角聲催月上城端連雲蕘棟半灰

被坵

士

寒

夢警一夢紅

中秋東巖作用石帚九日定王臺均明鄧  
來沙避亂居此尙存楹帖

作秋陰值中秋令節餅小木犀簪文石棧魚危柯立鴉

眼中无限升沈歎巖上昔賢已去空賸有楹字匹來禽  
也是滄桑也同逃劫今我重臨 最喜故人攜手憑高

眺遠聊縱遐心前代殘碑故藩舊迹如今都嬾揆尋儘  
浮白殢然醉後聽斤斧疑是響戈金詎謂佳時月明應

賞宵深

清平樂

子有老屋數椽近頗修葺置書萬卷其中  
牆用雜時花木寇亂遷徙空無人居臥室

在時思歸无已今念及不勝感慟

藏書萬卷老屋殊堪遣牆角芙蓉秋色豔可惜荒落一片  
牽蘿幾度新秋天寒翠袖籠愁今日何人倚竹哀  
笳吹滿城樓

韓一欽螺山閑味軒詞

案聽秋聲館詞話欽浙江蕭山人提南官後以知縣用請改中書遂乞歸不出進士題名碑欽咸豐六年進士

解語花 為粵西女士陸小姑賦 見聽秋聲館詞話

風酸繞指墨碎研心清露愁襟浣淚綃千片癡牛省應  
把鐵腸柔轉絲絲獨繭織不就鴛鴦衾煖聽小樓凍雨  
黃昏紫燕單棲慣 休說珠還璧返問蘼蕪消息人隔

薇樹

三

天遠楚娥幽怨難分諺付與冷檠枯管秋蟬命短恁猶  
帶殘音淒顛拚一場塵夢匆匆留白頭誰看 元注定有酸風繞筆

頭研墨心先碎集中句也

聽秋聲館詞話會稽王笠舫大令集中傳有陸小姑者賓州人幼慧工詩適同里覃六六操農業嫖姑弱不任鋤犁之役給以母疾遣歸而別娶健婦姑弗與較藉吟詠自適有紫蝴蝶花山館詩一卷年二十八以瘵亡卒之日笑曰但吟詩句留青簡不與人閒看白頭其志可哀已盱眙汪孟棠觀察云任梓行其詩螺山中翰為賦解語花云云

一萼紅 咏痴同茶庵

罷妝梳仍香斑隱隱汗粟透瓊膚豔借脂痕穠分蚺印  
密似勻綴蘋珠想午倦蔽窗睡足攪細顫紅襯簾紋疏  
腕暈燈邊腮霞鏡裏薄醉還無 幾度蘭湯浴罷看圓

胎露潤鮮荔含酥並坐唄郎輕搔倩婢暗裏偷解羅襦  
只隔住蟬紗一抹曙星燦雲彩單模黏好是蓉硝拍徧  
涼逗冰蜍

天香 煙草 見金武祥粟香二筆

鏡粉銀指壺冰玉瑩荷簫新樣輸巧束紙薰蘭凝塵碾  
麝汲取井華寒曉玲瓏豆火算合就了王婚好纔把詩  
襟浣雪煙霞吐吞多少 呼童繡囊貯早婦人懷半醒  
殘飽昵語隔簾吹出轆轤聲小幾度春黃細撚惹淺暈  
檀黃透纖爪唾地餘芬墜煙自裊

薇封

三



